

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Sužbene novine Zeničko-dobojskog kantona“, broj: 7/10), a u skladu sa članom 35. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20) i Zaključka o izmjenama Zaključka o usvajanju i Programa utroška sredstava sa transfera za podršku vjerskim zajednicama, broj: 02-11-11380/20 od 03.07.2020. godine i broj: 02-11-14682/20 od 01.09.2020. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 77. sjednici, održanoj dana 08.10.2020. godine, d o n o s i

ODLUKU

o odobravanju sredstava sa transfera za podršku vjerskim zajednicama u 2020. godini

Član 1.

(Predmet)

Odobravaju se sredstva vjerskim zajednicama sa područja Zeničko-dobojskog kantona u iznosu od 100.000,00 KM (slovima: stotinhiljada konvertibilnih maraka) u svrhu sufinansiranja projekata izgradnje i rekonstrukcije vjerskih objekata.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod 614300, pozicija “Tekući transfer za podršku vjerskim zajednicama”.

Član 3.

(Uplata sredstava)

Sredstva iz člana 1. ove odluke isplatit će se na osnovu programa utroška sredstava sa transfera za podršku vjerskim zajednicama u 2020. godini, na transakcijske račune prema pregledu sačinjenom na osnovu poziva vjerskim zajednicama koje djeluju na području Zeničko-dobojskog kantona.

Član 4.

(Izvještavanje)

Korisnici sredstava dužni su Ministarstvu za obrazovanje, nauku, kulturu i sport Zeničko-dobojskog kantona dostaviti izvještaj o namjenskoj upotrebi odobrenih sredstava.

Član 5.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 6.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-16559/20

Datum, 08.10.2020. godine

Zenica

PREMIJER

Mirza Ganić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Korisnici sredstava, putem Ministarstva,

1x „Službene novine Zeničko-dobojskog kantona“,

1x a/a.